

مش حلال فيها التحرش ! د . حازم شومان

حازم شومان

السلام عليكم ورحمة الله وبركاته. شباب كثير اوي يعني مبدأه حلال فيها التحرش دي كاشفة شعرها. ما انت شايف اللبس بتاعها ما انت شايف طريقة الماشية ساعتها يبقى دي حلال فيها التحرش. انا عايز اسألك سؤال واحد بس لو انت عايش في دولة كلها كفار اي دولة اجنبية. ما فيش فيها مسلمات اصلا كلها اعري كلها يعني حاجة يعني انت ماشي في الدولة دي هل يحل لك انك تبص لاي واحدة؟ هل يحل لك انك تقع عينك او ايدك او تمد ايدك او تمد لسائك على اي واحدة حرام حرام ليه؟ لان مش معنى ان هي متبرجة او ان هي مش محجبة ان انت يحل لك انك انت تتحرش بها. انت في ملكين بيكتبوا عليك كل حاجة اللي انت بتعمله ده. لمسة الايد ولا مادة الايد ولا مادة اللسان ولا مادة العين كل ده بيكتبه ملك الشمال ولا ما بيكتبهوش؟ يبقى ده حرام عند الله. يبقى انت مكلف بهزا. حتى لو في دولة ما فيش فيها ولا مسلمة وكلها عري. انت من الله انك انت تغض بصرك. والا ليه يا شباب ربنا قال قل للمؤمنين يغضوا من ابصارهم. يا اخوانا الاية بتتعامل مع واقع. يغضوا من ابصارهم لما انا اقول لك غض بصرك يبقى لازم في حاجة تتشاف. يبقى لازم في حاجة اصلا انت ممكن تمد بصرك عليها. والا هتغض بصرك عن ايه؟ الاية بتتكلم عن واقع ان مهما مهما حصل هيفضل فيه نساء مش ملتزمات بالحجاب الشرعي. هيفضل فيه نساء آآ آآ ممكن يبقى شكلها ملفت لحد او يبقى انت كده كده انت مطلوب منك انك تغض بصرك اوعى اوعى تبرج واحدة او ميك اب من واحدة او ايا ما كان السبب يخلي الشيطان يضحك عليك ويسول لك ان ده حلال. لا ده حرام وانا بتكلم عن التحرش الوقتي ليه؟ عشان سببين. السبب الاولاني ان التحرش يعني انا عايز اقول للمتحرش رسالة الى متحرش انت عارف انت وصلت لايه؟ انت عارف اللي انت بتعمله ده عند ربنا ايه ده انت بتودي نفسك جهنم عشان ايه؟ انت بتعمل معصية شديدة جدا عشان ايه؟ انت متخيل التحرش ده اعتداء. اعتداء لحكم الاعتداء. التحرش ده جريمة. المتحرش ده مفتون في دينه. مفتون في دينه التحرش ده مؤذي لله ده بيعرض نفسه ان ربنا يكرهه والعياذ بالله فانت بتعمل في نفسك ايه انت يعني مشكلة التحرش ان في شاب متهيأ له انها حاجة عادية حاجة ادق من الشعرة. هو مش متخيل هو ذنب عند ربنا قد ايه. لدرجة ان ينزل فيه قرآن ذلك ادنى ان يعرفن يؤذنين فلا يؤذنين دي كلمة ربنا قالها سبحانه وتعالى من الف وربعمية سنة في سورة الاحزاب يعني ايه اذنين؟ ان واحد يتحرش بايه؟ يتعرض لها يمد عينه عليها يمد لسانه عليها. يحاول ان هو يؤذيها. التحرش ده اذى. وانت لما بتأذي واحدة ان هي تستنك على القنطرة يوم القيامة. عشان تاخذ حقها منك هي مش معنى ان هي مش قادرة ترد على نفسها في الدنيا او خايقة من شكل المجتمع حواليها او مرعوبة انها تبقى اتفضحت او مرعوبة من الازى فيه انا انا بتكلم عن التحرش دلوقتي ليه؟ الموضوع يا اخوانا ما عايش مجرد ظاهرة مرتبطة ان واحدة لبسها مثير او كاشفة شعرها اه وفي شاب بيتحرش بها الموضوع بقى كبير. اللبس المثير ده حاجة معصية رهيبه. كبيرة من الكبائر. ولكن انا الوقتي بتكلم انت تكلف امام الله ولا مش مكلف امام الله؟ ومهما كان اللي قدامك انت يجب ان تتقي الله. انت ما لك بنساء المسلمين؟ هي معنى انها متبرجة. او غير متبرجة او امرأة عادية ان سقطت حرمتها عند الله ان ما لهاش حرمة عند الله عليك ده انت اللي تدافع عن عرضها. ده انت اللي تحمي عرضها مش انت اللي تعتدي دي اعراض مسلمات بينك وبين الله اعراض مسلمات كما قال النبي صلى الله عليه وسلم من لي بكعب ابن الاشراف فانه اذى الله ورسوله هو كعب ابن الاشراف كان بيعمل الايه غير حربه للنبي عليه الصلاة والسلام كان بيتعرض للمسلمات. كان بيحاول يلاغي المسلمات يعني حتى لو البنت مبسوطة انك بتعاكسها هي اسمها معاكسة في المجتمع. اسمها ملاغية اسمها شقاوة شباب ايه عند ربنا سبحانه وتعالى ده منكر دي معصية دي حرام حتى لو البنت مبسوطة دي حرام ربنا سبحانه وتعالى كعب ابن الاشراف كان بيعمل ايه؟ كان بيتعرض للنساء المسلمات. يحاول يميل قلوبهم بالكلام الحلو. شف النبي قال ايه. من لي بكعب ابن الاشراف شف العقوبة شكلها ايه! فانه اذى الله ورسوله. انت بتؤذيها آآ فلا يؤذنين بتأذي البنت. وبتأذي ربنا

وبتأذي

يا حبيب الله محمد صلى الله عليه وسلم تيجي على الحوض للنبي عليه الصلاة والسلام انت ازيت النبي رايح تشرب من ايده يوم القيامة؟ انت اذيت الله رايح تقف بين ايدين ربنا

ساعة العرض على الله هتعمل ايه؟ هتعمل ايه ساعتها؟ الحاجة الثانية اللي مخلياني اتكلم عن التحرش يا جماعة ان الموضوع ما عدش مقفول على ان واحدة لا ده عاد فيه

بنات بلبس محترم جدا وبيتحرش بهم. طفلات زي الفيديو الاخير اللي انتشر على النت. طفلة وواحد راجل فوق الستين وبيتحرش بها طب هو هو شهوته شكلها ايه اصلا وهو فوق الستين. ودي طفلة اصلا يعني فين معالم الانوثة اللي فيها؟ وبيتحرش بها. الوقتي بقى فيه بنات كتير جدا ولبسهم

محترم جدا خايفين يركبوا ميكروباص. خايفين يقفوا في طابور خايفين يدخلوا مكان زحمة. خايفين من اي حد جاي يعرض عليهم اي خدمة. خايفين في بنات وبنات محترمة ياما وصلوك يا محترم ومرعوبة يبقى اذا يجب ان احنا ندرك الذنب اللي في الموضوع ده شكله ايه؟ قال رسول الله صلى الله عليه وسلم عشان تعرف خطورة الامر

قال رسول الله صلى الله عليه وسلم كتب على ابن ادم نصيبه من الزنا مدرك ذلك لا محالة. فالعين تزني نهى النظر ده زنا ان واحد يبص على واحدة اتق الله. ده زنا. ده نوع من انواع الزنا كل جارحة من جوارح الجسم. بناء على الحديث ده بتاع النبي عليه الصلاة والسلام

السلام حبيب الله محمد عليه الصلاة والسلام. صل على الحبيب عشان قلبك يطيب عليه الصلاة والسلام. ده زنا. فالعين تزني وزناها النظر. واليد فزني وزناه للمس. يعني لو واحد مد ايده على واحدة ده زنا لمس ده زنا يد. سواء برضاها او مش برضاها. يعني هي مش هي واحدة

قام اصلا ان هو يبصها مش مراته مش حلال له. مش عاقد عليها مش كاتب كتاب وحاطط ايده في ايدها. برضاها. اليد تزني وزناها للمس. طب هو مش بقى ده ده يبقي اشد كمان. ده ده يعني صائم معتدي. ده واحد بيعتدي على الحرمات. ده ده جريمة. التحرش ده عند الله سبحانه وتعالى

جريمة يبقي الحديث ده بيقول لك ايه؟ ان التحرش ده زنا هتسميه بقى بيعاكس هتسميه بيلغي هتسميه هين مكان التسمية بتاعته. هو هنا نوع من انواع الزنا زي ما قلت لك بالزبط. كل المؤمنين يغضوا من ابصارهم. هي المرأة مطالب منها الحجاب الشرعي. المرأة مطالب منها انها تساعد الرجل على غض بصره

المرأة مطالب منها انها تتقي الله في لبسها وفي مشياها وفي اختلاطها ولكن انا بكلمك عن التكليف اللي لك الوقتي امام الله. هي لو لو لو كانت لابسة اي لبس مثير لو انت فين لو انت على اكثر شاطئ فيه يعني والعياذ بالله بعد عن اللبس الشرعي انما انت مكلف امام الله سبحانه وتعالى. مش عزز لك عند ربنا. بالعكس هي دي جريمة. دي جريمة. يبقي امام الله سبحانه وتعالى. قل للمؤمنين يغضوا من ابصارهم. يعني انت مؤمن غض بصرك. لو انت مؤمن طب يبقي لازم فيه حاجة مكشوفة قدامك. لازم فيه حاجة هتلفت نزرلك. انما انك انت ذلك ادنى ان يعرفوا فلا يؤذبن. ما

مليم بكعب ابن الاشراف فانه اذى الله ورسوله. ما تاذيش ربنا. ما تاذيش رسول الله صلى الله عليه وسلم. ما تعملش حاجة وانت ميتها لك انها حاجة صغيرة كبيرة وعند ربنا عظيمة اتقوا الله يا شباب. اتق ربنا في بصرك. اتقي ربنا. انت لو في دولة كلها كافرات كلها عاريات انت امام الله

مكلف الا تنزر الى حرام. ربنا يحفظنا في ابصارنا يا رب. كنت سمعه الذي يسمع به وبصره الذي يبصر به. ان ربنا يتولاك في عينك فيخليك تنتعش عن الحرام انك انت اتقوا الله اتقوا الله في بصركم يا شباب. عينك داهية عينك دي اعزم نعمة ربنا ادهالك في حياتك. اتقي ربنا فيها. ربنا حلیم

سبحانه وتعالى وانت بتبص للحرام ما منعش الدم عن عينك. قادر انه كان يمنع الدم عن عينك في اللحزة ديت وانت بتبص للحرام. او يمنع الدم عن ايدك وانت بتمد ايدك على حرام

اعراض مسلمين. ده دي عرض ابوها و عرض اخوها انت مش هتلاقياها هي مستنياك على القنطرة. بس انت انت عرض ابوها و عرض اخوها و عرض كل راجل في حياتها و عرض زوجها عايزين نتقي الله بتعاكس بنات المسلمين ليه؟ بتتعرض لبنات المسلمين ليه؟ بتتعرض لامرأة مسلمة لها عرض عند

فالله سبحانه وتعالى لها حرمة في دين الله لها حرمة عند الله سبحانه وتعالى ليه؟ عايزين يا جماعة نتقي الله عايزين نصفي حياتنا من الزنوب يجي الشباب بعد كده يقول لك

فيه بطالة مش لاقى شغل ده الدنيا مقفلة معي انا عندي اكتئاب انا مخنوق انا رزقي ضيق انا مش موفق في موضوع على كل ما اخطب الخطبة تتفشك. يا ابني

انت عايز ربنا يرزقك اتق الله. زي ما ربنا سبحانه وتعالى يقول وليستعفف الذين لا يجدون نكاحا استعفف. اتق الله. انت ما انتاش

لاقي نكاح مش لاقى جواز اتق الله يعني ايه استعفف ما تبصش لمرات المسلمين. ما تمدش ايدك على واحدة ما تعاكسش واحدة ما تلاغيش واحدة ما تصاحبش واحدة. ما تتحرش بواحدة باي نوع من انواع التحرش البص لها بشكل يعني يغريها ده ده تحرش انك تمد ايدك عليها ده تحرش. انك تقول لها كلام يؤذيها او كلام ده تحرر انك تبعت لها بوست على الفيس. او تبعت لها صور غلط. تتعلق بك او تتعلق باي حاجة مثيرة على السوشيال ميديا او وعلى الواتس ده تحرش التحرش ده انواعه كبيرة قوي انك تتعرض لاي واحدة باي شيه يسير شهوتها. او يحاول يراودها او مجرد انك انت بترمي كلمتين وماشي او وانك انت بترغب انك انت يعني ايه تلاغي وتتكلم وتبني علاقات كل ده كل ده تحرش وكل ده ازي وليستعفف اتق الله عفاف بقى اللي هو عكس كل ده الذين لا يجدون نكاحه حتى يغنيهم الله من فضله. يعني ايه حتى بعض المفسرين قالوا حتى اي من اجل لو انت عايز ربنا اغنيك لو انت عايز ربنا يرزقك. لو انت عايز ربنا يوظفك. لو انت عايز ربنا يجوزك. لو انت عايز ربنا يجبر خاطر. لو انت عايز ربنا يفتح ابواب الرزق في وشك. حتى ان يغنيهم الله من فضله. انت عايز ربنا يغنيك من فضله؟ استعفف. اتق الله. يعني كأن التحرش من اسباب الفقر. من اسباب ان ابواب الرزق تغلق امامك من اسباب ان الرزق يضيق وتلاقي نفسك ما انتاش لاقى الحلال ليه؟ لانك مديت عينك على الحرام. ومديت ايدك على الحرام ومديت قلبك ونفسيته على الحرام فانت خد بالك ان ده هيخلي عقوبة ان الحلال نفسه يضيق. وان الحلال نفسه تتقفل ابوابه الله يفتح ابواب الحلال في وجوهكم. الله يفتح ابواب المال الحلال في وجوهكم. الله يفتح ابواب الشهوة الحلال في وجوهكم. اللهم اكفنا بحلالك عن حرامك. قل يا حبيبي قلب الدعاء ده دايمًا. قل الدعاء ده دي رسالة لواحد بيتحرش او بيمد عينه او بيمد يعني ادع ربنا اللهم اكفني بحلالك عن حرامك اكفني بحلالك عن حرامك في الفلوس يا رب. ما تخلينيش اضطر ان انا امد ايدي على مال حرام ولا رشوة. اكفني بحلالك عن حرامك في الشهوة يا رب. مش عايز امد عيني ولا امد لساني ولا امد ايدي على واحدة حرام. فيا رب ارزقني الحلال الطيب. اكفني بحلالك عن حرامك في الصحبة. يا رب ما تخلينيش ابقى مضطر زهقان ومخنوق مضطر اخرج معه. صحبة سوء الدين الصحبة الصالحة يا رب. الدين الحلال الدين الحلال عشان استغنى عن الحرام. اللهم اكفني بحلالك عن حرام ارامك الدعاء ده جبار واغني بفضلك عن سواك بلاش كده يا شباب المتحرش عايز يعرف هو وصل لفين انت مش متخيل انت وصلت لفين عند ربنا انت بتسقط من نظر الله. انت بتأزي ربنا دول مسلمات. دي لو متبرجة مش تأزيها. ده انت اللي تسترها. ده انت اللي تسترها. وانت لو شفيتها مش اسخري منها ده انت تنصحيها وتوجهيها وتاخدي بايديها وتستوعبيها وتحضنيها. عايزين نرحم بعض عايزين ناخذ ايدنا في ايد بعض ونوصل للجنة عايزين اتغير. عايزين نوصل لربنا كفاية آآ شقاق مجتمعي. كفاية ان كل واحد غلطان يسول لنفسه الغلط بتاعه لان اللي قدامي غلطان. انت اللي قدامك غلطان ولا مش غلطان؟ انت الوقتي انا باكلمك انت. انا باقول لك انت اتق الله. ليه؟ حتى يغنيهم الله من فضله. عشان ربنا يغنيك. عشان ربنا يشغلك، عشان ربنا يفتح عليك. عشان ربنا يتولاك عشان ربنا يبارك في مستقبلك. اللي هيبقى مع ربنا ربنا هيبقى معه. واللي هيرضي ربنا ربنا هيرضيه. واللي هيتاخذ لله ظهريا ويدوا لربنا ظهره. هو حر لو ربنا اعرض عنه. الله يوفقكم يا شباب. الله يزوجكم. الله يبارك لكم في مستقبلكم. الله يفتح عليكم. الله ويرزقكم. الله يرزق نساء المؤمنين يا رب الحجاب الشرعي. الله يحب نساءنا في الدين والتقوى والهدى والعفاف انه اولي ذلك والقادر عليه سبحانه اللهم وبحمدك اشهد ان لا اله الا انت استغفرك واتوب اليك